

同安縣志

卷首 卷一疆域沿革 卷二緯候

72287

313310,35
42
mp: 1/12



72287

中華民國拾捌年

同安縣志

吳錫璜署端

同安縣志弁言

縣志者職方典之所自祖而亦卽史學之緒餘也其體例有因有革獨至今日而言修志則雖因而實創也漢唐以後凡屬我國省府廳州縣莫不有志志也者以志地方之沿革風俗之轉移越千餘年無甚懸異此乃所謂因也泊乎清季物質文明之學倡自歐西曰商務曰郵政曰電報曰鐵路曰武備曰學堂曰實業均與學術政治人心有遞嬗之關繫而運會之升降亦隨之孫中山先生憫我國世運之就衰謀所以救國救民者莫重於革命湖北倡義舉國風從又能使五千餘年之國體一轉而爲民國明大儒黃梨洲嘗謂國權在民乃幸於近世革命家而實見之綜此四十年來盛衰之狀況時局之推移革命事功之發展以言修志乃創而非因也貞從事革命工作十餘年如一日幸諸同志努力前驅風馳電掣至今夏而北伐告厥成功則革命時期復變而爲訓政時期此後種種革新事業當以各地方之志書爲參考近奉 國府命調閩以謀桑梓治安適同安縣長林學增以推促編纂縣志成爲予言且問序於予余惟同安乃聲明文物之邦也宋元明清人材輩出甲於省會舉凡文章經濟理學宦績武功在在足以揄揚盛美惜乎舊志僅成於清嘉慶三年中斷

同安縣志

卷之首

序

至今垂一百三十餘年之久其間文殘獻闕在所不免然經縣長林學增之督促邑紳吳錫璜之博考羣書參訂中外風俗政教以總其成兼之吳紳煌樞周紳江達翁紳炳文黃紳華吳紳錫琮蘇紳萬靈王紳道堇許紳榮等相助爲理而斯志遂燦然可觀貞取而閱之其編訂大旨悉以綱常名教爲宗而以近世之新潮流爲輔若方括之圖繪緯候之測量與夫賦稅交通實業外交校制物產墾荒人物皆斟酌中外大勢以會其通而隨在足以感發我國人圖富圖強之興味則同安縣志之成固有非因者其書紀載雖限於偏隅而世界之變遷政治禮教之軌範歷代人物之類錄大端畢具謂一邑之志書可謂有關於世界革新之志書亦無不可也我閩省修志倡辦於民國四年屆今而告成者寥寥無幾此後商量邃密或不免有晨星寥落之歎吾爲此懼愈覺催促進行殊不容緩也林君學增能以此爲當務之急而該邑碩學通儒尤能不畏繁難參互考證以蕆其事貞以其書分類至四十二門具有上下千古之識且於鄭成功開府思明仿春秋公在乾侯之例網羅遺民闡幽抉微以補舊志之缺湛深經術卽非因質之當代史學家諒亦莫贊一詞用特泚筆序此以爲當世之纂修邑乘者勸

中華民國十七年六月國民革命軍獨立第四師師長詔安張貞謹撰

同安縣志

卷之首

序

序二

司馬子長之作史也有本紀世家列傳以觀其人有書以觀其政有表以觀其成凡以究天地之際通古今之變而已班范而下體例間有變遷旨趣莫能逾越縣志之作昉自周禮邦國之志而後世之郡國志鄉土志其濫觴也雖無編年紀月之煩略得屬事比辭之要其體例旨趣大都取法龍門若顧氏炎武之天下郡國利病書則廣收天下志乘成案及名人著作就而錄之不立己見於天下之形勢沿革皆能瞭如指掌洋洋乎大觀矣而其實則積縣志以成省志積省志以成天下郡國志而已顧氏之書雖取資於省志然有待於縣志者固深且大也同安僻處海濱聲名文物之盛采風者語焉弗詳縣志之修遠在前清嘉慶三年而百餘年來鉛槧屢更撰述無聞矧民國肇興開數千年未有之局人心之趨向風俗之轉移嶄然一新無以詔之敗壞立見所謂究天地之際通古今之變者此其時耳吳瑞甫先生爲同邑宿學秦斗其肆力於縣志者易數寒暑固已卓然成章而縣長林君學增復能於兵馬倉皇牒訴倥偬之中與之下上其議論鈎提其玄要更增聘蘇黃王許諸先生以贊襄之汲汲皇皇然一若同邑山川之靈爽與夫先正之精誠日伺其旁而敦促之也者

同安縣志

卷之首

序二

三

卒使鴻編巨製一旦告成上以儲國史之實錄下以立民志之大防林君其知所先務哉澄澤忝列戎行奉命駐茲土適逢其盛不敢不爲一言以誌私幸至其體例之精審旨趣之深微林序言之綦詳不具述

中華民國十七年仲春之月國民革命軍獨立第四師第四團團長王澄澤撰於同安軍次

序三

志書非史也然記土地人民政事亦卽史之緒餘也第史不必有圖而志書必長於測繪史必有褒貶而志書則重在實錄讀湖北山西各省志可知大概同安縣志自清嘉慶三年纂修後無聞焉昔之官斯土者但就舊志重槩而於國計民生人心風俗之轉移並不效輶軒之探識者憾焉民國肇興於各地方之土宜風尚視爲當務之急湖北首先倡義其省志成立最早我閩省雖處海濱亦聲名文物之邦也省志局頒發志目十餘稔矣以地方多故進行濡滯察全省志書報成立者寥寥無幾歲丙寅十月^{學增}承乏邑宰卽聞縣志已成十之八九以簿書鞅掌未遑兼及迭奉國民政府省政府疊次催促卽向纂修處吳瑞甫先生索志稿閱之見其編纂概本省志目而體例之嚴謹則尤過之言緯候則度式必詳言沿革則原委畢具言關稅則痛言協定之非言外交則力陳條約不當及不收回裁判權之害言建築物產實業交通學校選舉務在策勵國民之自治精神與國民政府之整理內政外交諸擘畫若合符節若夫鄭成功開府思明有明之忠義悉歸之當時撫有金廈兩島在同邑人物最盛而皆明之遺老舊志以關於鼎革之事紀載從略新志目三十七門從

同安縣志

卷之首

序三

四

未討論及之甚缺典也先生獨搜羅盡致以發潛德幽光而悉以思明州人物錄繫之夫成功以復明號召天下始終奉永歷正朔繫以思明州者卽春秋公在乾侯之例亦卽朱子綱目尊蜀漢爲正統之遺意也志書雖與正史不同而體例斟酌盡善自非長於史學者不能至於列傳尤未敢沿訛襲謬獨從漢趙歧三輔錄之例最有卓見蓋國體旣變更則志書體例亦當隨之而變易列傳以別於本紀也旣無帝王本紀又安有所謂列傳本此以紀載人物亦庶幾準古酌今兩無遺憾抑^{學增}又有說焉同安武略開剏於許督而文化實始於謝脩蘇紳諸流自蘇正簡以經濟文章甲天下爲朱紫陽所推重許順之陳植又以理學品望師表羣倫大儒如魏了翁獨推閩之文學同安爲最越有明如蔡清憲林次崖洪芳洲許鍾斗諸先生均卓卓可傳洎有清而身列帥府者至數十人武功之盛爲全省冠固已足摘藻揚芬增光史乘矣民國以來大中小學之設尤迴出於省會邑之人材後先輝映誠足令人歎慕所惜吳君雖竭數年之心力猶未脫稿^{學增}因聘蘇紳萬靈黃紳華王紳道堯許紳榮等重行調查相助爲理仍由吳君負編纂全責而後此書乃底於成更請邑紳吳煌樞之品學兼優爲邑人士所宗尙者再加釐訂以示大公行見此志一出較之他

邑志書當必有獨出冠時者予庸學無能每瀏覽此志覺同邑之官師人物風俗政教朗若列眉吁豈惟同邑然哉閩省多史才知必有較先生之苦心疏證尤爲峻整者余不禁爲之拭目以俟矣

中華民國十七年孟春之月詔安林學增撰於同安縣公署

同安縣志

卷之首

序三

五

序四

昔趙嘏有言志書非董狐之直邱明之核不以操觚故其文多可存今之志博雅不足其弊俚褻貶無當其弊妄甚者狂心謾舌聚訟紛紜嗚呼修志豈易言哉我同志書迄清嘉慶三年屆今并無嗣響已垂百餘年於茲矣民國以來國體變更而省議會討論仍於縣志視爲當務之急顧年湮代遠文獻無徵在所不免屢議修輯邑人士羣慮困難吳君瑞甫獨慨然任之歲癸亥余承乏縣篆與邑紳商共謀治安適吳君編纂志書成囑余設校閱所以昭公允余因聘籍紳之品望學術足爲邑推重者若翁紳炳文周紳江達吳紳錫琮共相釐訂缺者補之訛者正之而志書遂粲然大備余又以志書關一邑之文獻不可不慎重其事嘗持趙嘏之說以質吳君吳君爲予言以此書之成搜羅經史子集達數百家言皆有本蓋奉宣聖述而不作之訓也其間體例斟酌再三獨於列傳不敢遵省志目特從張煦王軒之說變傳爲錄以正舊志沿訛襲謬之誤似較嚴謹蓋傳者釋經之名詞司馬遷惟有本紀故作列傳纂修志乘者並非史官縣志亦非國史自不能爲人立傳康對山武功志爲志書第一其於官師僅曰官師志於人物僅曰人物志而皆不名列傳卽其例也况變傳爲錄

同安縣志

卷之首

序四

六

張煦王軒又有所本昔趙岐撰三輔決錄自序謂其人既亡行乃可述晉虞預著會稽典錄史家以爲與益州耆舊汝南先賢同可見謂之錄者乃志書錄取名實之例且以示與 國史館有大區別自屬尊崇 國憲之美意體例尤爲嚴正吳君纂修此志凡閱三寒暑始成其手不停披旁搜遠紹苦心規仿卒能使百三十年之掌故釐然燦然余愛之重之用特弁數語於簡端

中華民國十三年八月同安縣知事許榮序

附設立志書校閱所通告一則

竊謂採風問俗自古首重輶軒考獻徵文屆今端資邑乘邑自朱子大同集著已足衡匹史經亦越有明隆慶志成允可比肩馬鄭清初康熙至嘉慶時代朱奇珍倡修於前吳鏞吳堂續修於後網羅繁富契匠精嚴不涉武功之略已擅寧化之長後雖屢議重槩仍沿舊刻閱期間至一百廿五歲撫拾綦難闢方里至三十六都圖搜羅匪易間雖黃家鼎增修馬巷只限一隅周芸皋曾誌鷺江僅詳片島載言比事固有資博雅之儒沿革交通又特重識時之士茲幸編纂告成大端畢具開辨訛闢謬之方虛懷若谷廣補闕拾遺之路公正爲心本知事博徵舊乘延聘通儒緬蘇正簡之

勳名仰許鄉賢之軌範念自黃萬頃以文章擅譽紀許國以史學名家彌見代有傳人時多碩彥用特籲請有衆共集腋以成裘并期各抒所長定駕輕以就熟似伊川之補大學探譚不乏通才如束皙之補亡詩鑒衡定多特識業將纂修諸目覲縷於先並將缺略各門條陳於後徧略皇覽勿貽梁魏之譏逸史語林當識王劉之誤因探訪之未盡特分類以徵求倘體例有或乖期尋源而討本設備劉知幾之識必廣傳聞如具李延壽之才定多刪補遠代龐文深虞荒誕蕪編紛出尤慮濫觴應就正於國人特掬誠以相告

中華民國十三年一月十三日知事許榮通告

同安縣志

卷之首

序四

七

同安縣志

纂修姓氏

主修 同安縣長 林學增 前同安縣長 高梅仙 許榮

總纂 吳錫璜

協修 蘇萬靈 曾謝恩

分校 翁炳文 黃華 王道堯 顏其修 吳煌猷

阮堉 王錫堯 吳錫琮

總校 吳煌樞 周江達 吳錫琮

書記 鄭子才 吳樹萱

籌修 陳宗書 蔡秋濤 陳延香 洪鴻儒

探訪局長 洪國器 副 陳錫疇

探訪分任 陳延香 王道堯 倪炯 黃農 柯敏

陳宗河 黃華 陳國材 陳禮儀 陳宗器

許希仁 楊開甲 林輔龍 許宗宣 黃玉田

同安縣志

卷之首

纂修姓氏

八

宋逢源 葉止敬 陳福萱 朱成材 葉爾承

林從龍 陳世桓 史敬亭 葉淵 吳觀濤

義務探訪 郭有家 高峻 莊朝音 練鳳翔 汪玉堂

何敏 王錫堯 莊朝音 練鳳翔 汪玉堂

測繪主任 方括圖 城市圖 文廟圖 縣公署圖 公園圖

以上林向榮繪 縣學校平面圖

緯候測繪 晷候經緯度 氣候表 曾謝恩繪

風溫變化圖 張泮洲繪 氣溫變化圖 張泮洲繪

溼度變化圖 張輝煌繪 氣壓變化圖 黃少雄繪

雨量圖 歐陽治繪

車路測繪 同美車路圖 同溪車路圖

校閱 陳士霖 周濱河 葉挺秀 葉兆年 翁瑞清

陳士衡 鄭冠英 陳偉 林雲龍 林懷璋

陳化育 楊生春 林培元 葉良玉 蘇正中

蘇逢年 高開霽 郭肇元 洪湛恩 辛離明

徐波光 洪慕椿 洪鍾熙 蔡稱其 陳石巖
胡祥麟 陳福萱 林從龍 蔡科聯 朱成材
洪青雲 洪李芳 李暉春 洪馭羣 陳秉璋
魏闕 陳鴻祺 蔡宗清 何國材

監印刷者胡炳章

附舊志纂修各姓氏

康熙五十二年癸巳志

總纂 同安縣知縣朱奇珍

同安縣訓導陳聲遠

進士內閣中書葉心朝

舉人仙遊教諭張金友

分纂

輿地 規制

生員陳可遠

水利 防禦

生員葉滋榮

典禮

物產 風俗

生員葉光國

賦役 官守

貢生陳捷昌

官師

生員顏三拱

人物

二歲貢生 蕭鳳鳴

生員陳皋

人物三

生員劉金蘭

人物四

生員曾大經

祥異

生員李潛

廣善

生員莊天能

同安縣志

卷之首

舊志姓氏

九

盜賊

貢生黃銓宸 生員池文煜

叢祠

釋道 墓宅

生員陳祚獅

徵文

上下

生員陳孟功

乾隆三十二年丁亥志

主脩 同安縣知縣吳鏞

同脩 同安縣教諭羅前蔭

同安縣訓導黃梅

總纂 浙江會稽廩貢生陶元藻

分脩 進士原任湖北長樂縣知縣黃濤 舉人劉瀚 舉人莊明呈 舉人

葉廷梅 舉人陳邁倫 生員陳薰

採輯 舉人張允和 舉人陳聯榜 舉人陳琅玕 舉人薛起鳳

副貢黃汝達 副貢張斌 副貢陳思敬 副貢顏嘉

拔貢黃天助 副貢林和聲 歲貢洪世年 歲貢葉鍾鼇

歲貢陳射策 廩生葉照 廩生高一揮 廩生林麟

廩生黃震 生員劉蘭 生員顏華 生員陳帝錫

生員蔡士哲 生員王昭 生員郭肇媯 生員葉日新

生員李希岸 生員張陞階 生員陳應麟 生員林應龍
生員楊國春 生員施雲錦 生員陳元勳 生員方策
生員劉必登

嘉慶三年戊午志

主脩 知同安縣事吳堂

同脩 同安縣儒學教諭吳拱極 同安縣儒學訓導何澤杞

纂脩 知同安縣事吳堂

協脩 舉人劉鼎 附貢高有繼 增生葉紫花 增生黃天榜

分校 附貢杜鴻猷 廩生柯金華 增生楊宗潮 增生葉順

生員李兆庚 生員葉燮 生員高聯飄 生員余錫齡

總校 舉人童浚德 貢生高有器

監刻 國子生高玉成 國子生高宏音 生員杜瀛 生員黃提綱

同安縣志

卷之首

舊志姓氏

纂脩同安縣志引用書目

通志 職方典 十一朝東華錄 文獻通考 九朝紀事本末 大清國際條約 八閩通志 廣東通志 大清會典 五洲政治通考 閩書 江南通志 廣西通志 浙江通志 湖北省志 江西省志 山西省志 福建省志 太倉州志 撫州府志 贛州府志 泉州府志 蘇州府志 上海縣志 蕭山志 永安邑志 達州志 處州志 慶州志 牛若麟志 莆田志 吳縣志 連江縣志 仙遊縣志 臺灣志 臺灣通史 鷺江志 廈門志 金門志 馬巷志 雍正志稿 吳堂邑志 明史 羣經彙解 海關稅務紀要 民十二年修改稅則 本草原始 本草經疏 劉禹錫嘉言錄 白樂天集 本經疏證 本草圖經 臨海異物志 小草齋記 西藥大成 閩小記 山谷詩話 梵書 爾雅翼 陸璣詩疏 湘山野錄 遜齋閒覽 海物異物記 嵇含草木狀 博物志 榕村集 五燈會元 學圃雜疏 蘭譜 樵書南州異物志 嶺南衛生錄 山海經 海族志 三山志 閩中海錯疏 泉南雜志 越絕書 物類相感志 埤雅 嶺南錄異 閩部疏施可齋閩雜記

同安縣志

卷之首

引用書目

十一

榕城隨筆 西藥略釋 述異記 本經疏證 道南源委 王遵巖集 許族譜 郭族譜 林家乘 林見素文集 陳家乘 清源文獻 紫峯文集 林次崖文集 李鹿巢文集 溫陵詩紀 晃巖集 河干集 遜菴集 何鏡山集 棲霞藏稿 景壁集 再徵集 王十朋詩集 洪侍郎詩文稿 明遺民錄 異人集 海紀 東平紀錄 南疆釋史 交行摘錦 荆駝逸史 永歷紀事 紀許國南行草 石青遺稿 滄海瑣錄 留菴文集 宦海伏波記 東征集 池上草堂筆記 清文滙 松溪文獻 亦雅室詩鈔 亦佳室文鈔 誦清堂文集 全閩詩儔 鹿洲文集 甌北集 郭尙先筆記 傅錦泉文集 李長庚詩集 葉晴峯詩集 高言集 嘉禾文獻考 竹畦文鈔 獻雲文鈔 浯洲見聞錄 林登州集 亦園脞牘 什竹詩草 怡園詩草 曉槎詩草 穎川文集 榕軒詩草 翠雲小舍詩草 冠悔堂詩集 藤花館詩集 曾郊叟詩集 李芋仙筆記 實甫詩集 曾仲明詩集 小蘭雪堂詩集 內自訟齋 烏噫集 叢青堂文集 唐書藝文志 清漳雜記 千雲齋集 晁氏郡齋讀書後志 鼇峯近咏 寧我堂集 生芝堂詩集 黃石齋文集

鮎埼亭集 續閩書 林霍詩話 蠡測類鈔 國朝先正事略 春秋大事表
黃金宰金壺浪墨 崇明志 新羅志 彰化志 丁雁水問山集 紀南書
涓龍堂集 石青尺牘 浩然小草

同安縣志

卷之首

引用書目

凡例

- 一全省縣志通用凡例分三十八門茲悉遵用以昭畫一
- 一各門皆重新考證凡舊志所有者必注明其出於何書有宜詳者詳之有宜刪者刪之其舊志未備者一經採入亦必旁註書目以期傳信其無書目可註者書明採訪何人以別之
- 一舊志中缺者補之誤者正之不敢沿訛襲謬因陋就簡如辜朝薦沈光文鄭得瀟皆明儒而列於清蔡攀龍官階武略卓有可觀而考證未確盧若騰氣節文章一時無兩而列於循績薛沙陳黠應入文苑而詳於外紀似未稿切今補正之
- 一舊志星野以本邑爲牛女之墟按文獻通考牛女星宿分野至十二省廣漠無垠未免模糊影響茲從省頒志目例以新式測量按准度數繪圖貼說較爲稿鑿何人測候概署姓名
- 一縣屬原轄十二里茲因金門廈門劃分爲縣所有舊志諸山川名勝屬金廈者概行刪卻第人物賦稅在疆域未改革以前無可繫屬故書中紀載仍不厭求詳如科名選舉籍貫本屬同安卽其例也

同安縣志

卷之首

凡例

十三

- 一舊志災祥征撫今悉採入大事記廟宇寺觀巖潭泉石坊表第宅冢墓今悉列入名勝概遵通用凡例以省志目
- 一通用凡例中之未盡善者如驛站附於城池雖曰以類相從似未盡合此項今已不適用且舊法用以投遞文書編入交通作爲考證郵局沿革之用似覺妥當其交通門若同美車路同溪車路電報郵政各路線概用新式繪圖以清眉目
- 一物產近今種類較前尤夥舊志或一物重出或分類不清實不無雜沓重複之處本書特分別狀態詳列功用合中西研究物理諸法而會其通俾閱者一目了然
- 一凡學宮祠宇城池橋道書院義塚或修或創必詳其年月姓名概入建築志以爲急公好義者勸
- 一戶口舊制調查不確難作實據再行調查殊費手續今僅摭拾舊聞而已將來政無不舉必有確定之人民冊籍拭目俟之
- 一警察刑法武備實業交通外交各志目概邑舊志所無若思明州人物及墾荒華僑等又省凡例所無書中凡通行凡例所有者皆遵例考證原委其凡例所無者亦悉補入因有特別事實不得不爾

一通行凡例中如武功概入列傳與史漢史例及宋濂三史均合自應遵用較爲完善惟志書體例從寬與正史有別考王軒山西通志於人物僅仿類錄之體并不依列傳之例則舊志之類列武功不爲無見况同安爲武功最盛之區見於道光朝諭旨固邑乘之光也茲仍列武功錄一門以便依類考證

一朱成功開府思明垂三十餘年明諸遺老多從之舊志列諸寓賢於例未合然舍寓賢外又無其他志目可以附屬茲特仿會稽典錄之例別爲思明州人物類錄以明之

一本邑人物從朱成功渡臺者實繁有徒或主持政體或專任武略或開墾疆域苦心孤詣志節自不可掩有志目可附者概附各志目其無志目可附者悉列入墾荒而各華僑之在外建設悉探入焉

一錄以存人也準於史當爲傳惟傳者釋經之名史家用之以與本紀相附志旣非史而文復雜采古今爲例不純自當仿趙岐虞預撰錄之例較合

一凡與舊志有異同者皆加參字以別之

一舊志修至嘉慶三年屆今閱百餘年之久文殘獻闕在所不免此次通行凡例志

同安縣志

卷之首

凡例

十四

目加詳雖續修實與創修無異卽竭力蒐羅慮不免遺珠之憾尙期 博洽大雅

撫拾採輯俟後重修再行登載

一藝文非有關於地方風俗者不錄

一生人詩文不錄

同安縣志目錄

卷首 序言一 序言二 序言三 序言四 通告一 纂修姓氏 舊志纂
修姓氏 引用書目 凡例 全縣方括圖 城市圖 文廟平面圖 縣公
署平面圖 中山公園平面圖 縣學校平面圖

卷一 疆域沿革

卷二 緯候 附平均氣候表 氣溫變化圖 氣象統計表 占風 溼度變化圖 占電 風

占虹 潮信 占

卷三 大事記 附災祥

卷四 山川 附港汊險要 水源海口 湖沙島嶼

卷五 水利 附壩埧陂塘井埭橋梁

卷六 城市 附都圖墟鎮街衢

卷七 建築 附公署學校書院書院考棚坊表文昌祠廢署
寺觀有嬰堂橋亭

卷八 名勝 附第宅寺觀名人書齋亭
臺樓閣泉石巖潭塚墓

卷九 戶口 附耆壽

同安縣志

卷之首 目錄

十五

卷十 賦稅 凡茶鹽百貨洋貨常關一切國家稅地方稅之所有者

卷十一 物產 凡動植物及製造品之所有者

卷十二 度支 附縣公署及司法經常費

卷十三 職官 由五代宋而下關於文武各官制之沿革者

卷十四 學校 附書院義學各學堂

卷十五 選舉 附科目薦辟世職孝廉方正封贈蔭生各
種畢業諮議局概各議會選舉民國獎敘

卷十六 警察

卷十七 武備 附訓練新軍營制

卷十八 實業 農工商漁業各工窰各糖廠關於整理漁業各方式

卷十九 交通 附郵電航路各局所驛站同美車
路同溪車路電報暨郵路各圖式

卷二十 刑法 檢察審判承審員拘留所改良監獄

卷二十一 外交 凡關稅裁判權及其他不平等條約

卷二十二 禮俗 婚嫁喪葬祀祭宗法歲時
應酬服飾宴飲貿易迷信

卷二十三 惠政 義倉育嬰堂義學醫院恤丐所義塚